

VOT BILONG YUMI I BIKPELA SAMTING!

“Vot bilong Yu i winim moa long K50.”

1. Salim vot em wanem? Baim vot em wanem?

- ▶ *Salim vot em taim ol manmeri promis long votim kendidet sapos kendidet i ken givim ol mani o kaikai, bia na ol sampela gutpela samting.*
- ▶ *Baim vot em taim kendidet i givim yu mani long yu votim em.*
- ▶ *I tambu tru long baim na salim vot. Taim yu salim vot o kendidet i baim vot, em yu brukim lo.*

2. Bilong wanem na yu noken salim vot? Taim yu salim vot:

- ▶ *Yu brukim lo na yu soim olsem yu nogat rispek long lo bilong yumi na kantri bilong yumi.*
- ▶ *Gutpela sindaun bilong ol pikinini long bihain taim em yu salim pinis.*
- ▶ *Yu tokim ol korap lida olsem – mi tu mi korap olsem yu na mi nogat strong.*
- ▶ *Yu tokim ol korap lida olsem – mi no kea long mi yet na ol famili na pipel, provins na kantri bilong mi.*
GIVIM MI MANI NA KISIM OLGETA SAMTING!

3. Sapos yu salim vot bilong yu long K50, yu ting dispela inapim gutpela sindaun bilong yu?

- ▶ *Nogat tru! Tingim gut.. Moa long K50 milien em mani bilong Distrik Sapot Grent insait long 5-pela krismas. Skelim dispela wantaim namba bilong ol pipol long elekret (kain olsem 78,000 pipol) em bai olsem K650. Antap long dispela, Gavman save skelim K1,500 makim wanwan manmeri insait long nesenel baset. Olsem na insait long 5-pela krismas em olsem K7,500. Olsem na vot bilong yu i makim olsem K8,000 we Gavman i save givim. Na husat save mekim disisen long dispela mani - Memba bilong yu.*
- ▶ *Sapos yu salim vot bilong yu, Memba bilong yu ken tokim yu stret olsem ,mitupela stretim pinis na mi nogat dinau moa long yu.*

4. Olsem na wanem em ol asua bilong salim vot bilong yu?. Yu save pinis!

- ▶ *Sapos wanpela pikinini i dai long ples bilong yu bikos nogat marasin long klinik, o nogat gutpela rot long yupela go long klinik – na yu salim pinis vot bilong yu – yu ting em asua bilong yu?. Yes, yu asua pinis!.*
- ▶ *Sapos yu salim vot bilong yu – bai yu inap kisim gutpela rot na bris? Bai yupela gat skul na ol tisa inap kisim pei?*
- ▶ *Salim vot i no givim profit long pipol. Em sevim wanpela man tasol. Salim vot givim yu amamas long 5 sekens tasol na yu no tingim 5-pela yias i go!!*

Soim posta

- Soim na ridim ol toktok i stap long piksa.
- Lukluk long pipol. Askim ol wok long mekim wanem samting. (noken kisim gris mani bikos kos bilong sevis em moa).
- Askim long ol bai mekim wanem long eleksen taim.

Tingim:

Ol pipol ken tok olsem ol no inap salim vot tasol ol i no inap stopim arapela long salim vot bilong ol. Sapos ol tok olsem orait yu mas soim ol dispela posta. Ples bilong yu bai mekim wanem long gat gutpela eleksen? Sapos yu nogat posta, tokim ol long toktok wantaim TIPNG na askim long komuniti eksen projek long daunim paol pasin long eleksen taim.